

SINOPSIS

TEATER BANGSAWAN: “MENYERAHNYA SEORANG PUTERI”

‘Setelah sudah maka Tun Tuah pun pergi menyambut Tun Teja dan segala dayang-dayangnya yang ada di dalam rumahnya lalu naik ke jong. Maka orang pun membongkar sauh lalu menarik layar menuju Pulau Tinggi. Hatta maka jong dan ghali itu pun belayarlal... (Hikayat Hang Tuah).

Teja - Menyerahnya seorang Puteri adalah kisah yang di mana perjalanan rombongan Jong Melaka dari Inderapura pulang ke Melaka dengan membawa Tun Teja anakanda Bendahara Seri Buana dari Inderapura dan dayang-dayang istana mengikut Hang tuah ke Melaka. Tun Zainal, kekanda kepada Tun Teja menyedari tentang hal itu lalu berusaha untuk menyekat Rombongan Jong Melaka itu namun usahanya gagal.

Ketika dalam perjalanan ke Melaka, pelbagai konflik berlaku berlaku kepada rombongan ini. Konflik pertama adalah adakah keputusan mengikut Hang Tuah keputusan yang tepat? Persoalan juga timbul di antara Tun Ratna Diraja dan Tun Bija Sura atas keputusan dan merasakan mereka dipermainkan oleh Hang Tuah bagi kepentingan Hang Tuah sendiri. Seterusnya konflik dalam diri Hang Tuah sendiri adakah benar tindakannya membawa lari Tun Teja serta pengakuan sebenar Hang Tuah kepada Tun Teja membawa ikut ke Melaka.

Ketengangan berlaku apabila pengakuan itu disambut dengan emosi Tun Teja dengan mengambil keputusan untuk membunuh diri namun diselamatkan oleh Hang Tuah.

Setelah Jong tiba di Melaka, maka Tun Teja di persembahkan kepada Sultan Melaka oleh Hang Tuah lalu diisytiharkan pangkat Laksamana kepada Hang Tuah. Menyerahnya Tun Teja dalam keadaan yang sangat hiba namun tidak dapat menolak takdir dirinya itu.